



جريدة محاكم

١٢٩٠

جمعه ايرتسي

نومرو	شعبان	سنه	نيسان	سنه	صفحه
٣٤٨	٤	١٣٠٣	٢٦	١٣٠٢	٣٤٨٧

اشبو غزته بهر هفته جمعه ايرتسي كونلري چيقار سنه لكي در سعادت ايچون مجديه
 يكرمي غروش حسابيله التمش غروشدر طشره ر ايچون اون بش غروش پوسته اجرتي ضم اولنور بهر
 نسخه سي ينه مجديه يكرمي غروش اولمق اوزره يوز پاره يه هر يره صاتيپور درج اولنه جق اعلانك
 هر برندن بر مجديه اخذ اولنور سنه لکنه مشري اولمق استيانلر عدليه نظارتی دائره سنده كاش
 جريده محاکم اداره سنه مراجعت ايتليلدر

نسخ مطبوعه كافيده سي لفا ارسال قلمش اولغله
 اولوجهله اجراي ايچابي

قسم

قسم غير رسمي

بيك اوچيوز بر سنه سي ايلولنك اون التنجى
 كيجه سي چهارشنبه جوارنده زوجه سي زهر او قاش
 والده سي مهر يه وبالديزي ايلاحاتلري قتل قصديه
 جرح ايلديكي ادعا اولنمندن طولايي مظنون عليه
 اولان عمر بن سليمانك جنابته اتهامنه دائره هيتت

(عدليه نظارت جليله سندن في ٢٣ شعبان)
 (سنه ٣٠٣ وفي ١٥ ميس سنه ٣٠٢)
 (تاريخنده در سعادت و ولايات مدعي عمومي)
 (و معاونلكرينه يازيلان تحريرات عموميه)
 (صورتيدر)

ممالك اجنبيهده ابراز اولمق اوزره بدایت محاکمی
 مقالات محرر لکندن تصدیق اولنه جق اورا قك
 محكمه نك منسوب اولديغي محلك الكيوك مأمورينه
 دخی تمهیر ایتدیرلمسی خارجیه نظارت جليله سييله
 بالخبره قرارلشديرلمش ودائرة تفتيشيه لرنده
 بولنان محاکمه تبليغ اولمق اوزره اشبو تحريراتك



اتهامیہ دن تنظیم واعطا قلمان ضبط ورقہ سندن
مابعد

ربعی وصاغ ایغی طپوق مفصلی دخی حرکات
طبیعیہ سنک برثلثنی ضایع ایلدیکنی ومهریه خانمک
صول الیله یلیکی معطل اولوب بوندن بویله
بومعطایت باقی قاله جغنی وایکیسنک یاره لری بیک
سکز وپوزدن جمعاً اوچبیک التیوز ولیلانک
باشندکی جرح دخی یوز غروش اجرت جراحیه
ایله کسب انیام ایتدیکنی مبین بولمشدر علیهنده
اخبار کیفیت ایدن کسانک ذات وشهادت لری حقنده
ومعاینه راپورتی مندرجاتنه بردیجکی اولوب
اولدیغی مرقوم مردن صورلدقده نوری افندیکن
شهادتی مقبول اولدیغی کی امین افندی هر وقت
اورایه کیدوب کلدیکنده افاده سنی قبول ایتیه جکنی
بابیان انکارنده اصرار ایتسیله تحقیقاتک بوندن
عبارت ایدوکی تفهیم اولندقده معاون مومی ایله
جدی افندی متهم عمرک زوجہ سی زهرا وقتان
والده سی مهریه و بالذری لیل خانم لری جرح ایله
تعطیل عضوه جرأت ایتدیکی مع التأویل وقوع
بولان افاده سی ووقعه بی معقب فرار ایله التییدی
کون صکره طوتلسی واستماع اولنسان کسانک
علی الدرجات واقع اولان شهادتی ایله تحقق ایتیش
و بوفعلک تصور وتصمیم اوزرینه وقوع بولدیغی
اکلاشلش اولدیغندن بحثله مرقوم عمرک مجرم
اولدیغنک تحت قراره التمسنی ومدافعه وکیللی رجائی
افندی دخی شهوددن نوری افندی موکلنی
طانیه مدیغنی وامین افندی دخی موکلنی فرار ایدرکن


کوردیکی سویلیور ایسه ده مرقوم امین افندیکن
دائماً خانہ لری نه کیدوب کلدیکندن بالبحث
شهادتہ طعن ایتکده بولندیغنی وموکلنی ابدال
برادم اولدیغندن بوفعلک فاعلی اولدیغنه حکامک
وجدانی متردد قاله جغنی و بوفعل ثابت اولسه
بیلہ تصور وتصمیم منحقق اولدیغنی بابیان برأت
ذمتیله تخلیئه سبیلنه قرار ویرلسنی طلب ودعوی
ایتلر یله ولدی السؤال طرفینک بشقه بردیجکلری
اولدیغی اکلاشلغله محاکمک ختام بولدیغی
بیان اولنهرق مذاکره او طه سنه کلندی

طرفینک ادعا ومدافعاتک استماعندن واوراق
تحقیقه نیک مطالعه وتدقیقندن صکره ایجاب کیفیت
لدی المذاکره مرقوم عمر هر نقدر انکار تهمت
صددنده بولنه بور ایسه ده ووقعه بی معقت لایحین
ایله فرار ایدرکن کورلدیکی امین افندی طرفندن
قسم ایله اخبار اولنوب نوری افندیکن افاده سی
دخی بوجهتی مؤید بولمسنه وبش التی کون
فرارده قالوب صکره طوتلسنه وارالنده برودت
وخصومت اولدیغنی اعتراف ایله برابر مدعیه لریک
دعوالرینه قارشو اسباب معقوله درمیان ایدمه مامسنه
وخانئ مذکورک تحریرسنده قانلی قایله مرقومک
قوندره لری بولندیغی ژورنال ومزبورہ لردن مهریه
وزهر اخلملرک جرحدن متأثره الری معطل قالدیغنی
راپورت ایله بیلدیلمسنه ومدافعه وکیللی طرفندن
درمیان ایدیلان اعتراضات احوال مذکورہ بی
تعلیله کافی اولماسنه نظراً مرقوم عمرک انکاری

واهی وکیلنک مدافعاتی مردود اولوب مدعیه لریک
اعضاسنی قطع وتعطیل ایلدیکی ثابت اولغله
مجریمتہ بالاتفاق قرار ویریلهرک اولبابده تنظیم
وامضا اولنسان قرارنامه علناً قرائت اولندقده
مومی الیه جدی افندی مجرم اولدیغی تحت قراره
النسان حرکت تبیینہ سی هیئت اتہامیہ جہ یوز
سکسانجی ماده قانونیہ تطبیق ایدلمش ایسه ده
یوز یتیش یدنجی ماده سنک ایکنجی ققرہ سنه موافق
اولدیغندن اولوجهله تحدید مجازاتنی وکیل
مومی الیه رجائی افندی دخی تصور ثابت اولدیغی
جهتله ماده مذکورہ نیک ققرہ اولیسی منظوقجہ
تخفیف جزاسنی طلب ایتلر یله مذاکره او طه سنه
عودت اولندی

جهت جزایشی سی لدی التذکر متهم مرقوم عمر
وقعه دن اول قیام یانمده اولیدی سزنی تمیز لردم
دیدیکی مدعیه لری طرفندن سرد ایدوب وبوجهتک
صحتی روش وقوعات ایله دخی تأیید ایتدیکنندن
بشقه اوصباح خانہ یه مسلح اولدیغی حالده ارقه
طرفدن کیرہ سی جنایات مذکورہ نیک تصور
وتصمیم اوزرینه ایقاع اولندیغنی مثبت بولمغله
مرقوم عمرک حرکتی جزا قانوننامہ همایونک
یوز یتیش یدنجی ماده سنک ققرہ اخیرہ سنه موافق
اولدیغنه وماده مذکورہ ده برکیسه بر شخصی
جرح ویا ضرب ایله برعضوینی قطع ویا تعطیل
ایدر ایسه مصارف جراحیہ سی وحکم اولنہ جق
دیتی استیفا اولنمسیله برابر اوج سنه مدتله کورکه
قویلیور واکر بوجنایتی اولجہ تصور وتصمیم

ایدرک ایشلش اولدیغی تین ایلر ایسه کورک
جزاسی اون سنه یه قدر تمدید اولنور دیو مجرم
بولندیغنه بناء مرقوم عمرک تعدد فعلی سبب شدت
طوتیله رق ابتدای توقیفی اولان اوچیوز ایکی
سنه سی ذی الحجہ سنک یکریمی برنجی کونندن
اعتباراً اون طقوزنجی ماده قانونیہ منظوقجہ
بعد التشریح اون سنه مدتله کورکه قونمسنه
ومصارف جراحیہ اولان اوچبیک یدییوز غروشک
مرقومدن بالتحصیل حاصمی نساخسته خانہ سنه
ویرلسنه ومدعیئ شخصیه لری دیت طلبنده بولندقلری
حالده کیفیتک شرع شریفه مراجعت ایتلری
لزومنه وضبط واعلام واستنطاق خرچلری
اولان جمعاً اوچیوز سکسان غروشک دخی
مرقومدن بالتحصیل عدلیه وزنه سنه تسلیم
ایتدیلمسنه بیک اوچیوز اوج سنه شعبانک
اون سکزنجی کونته مصادف اولان بیک اوچیوز
ایکی سنه سی مایسنک اوننجی جمعه ابرتسی کونی
بالاتفاق قرار ویریلهرک قانون موقتک ارانہ
وتعریف ایلدیکی وجهله تفهیمی اجرا واصول
محاکمہ جہ معین اولان معاملات سائرہ دخی
ایفا قلندی



اوچنجی اردوی همایونی اون یدنجی الاینک
طاشلیجہ ده ارامساز اولان ایکنجی طاہورینک

اوچنجی بلوکی افرادندن رقه سفر قر به سندن حسن
اوغلی خیرالدین اون باشینک ماده قتلندن طولایی
جنایتله اتهام ایدیلان بلوک مذکور افرادندن تره
بالوه قریه لی عثمان اوغلی زینک طاشلیجه لوا
بدایت محکمه سنجه اجرا ایدیلان محاکمه
علیه سنک ضبطیدر

اوچنجی اردوی همایونی اون یدنجی الاینک
ایکنجی طاوورینک اوچنجی بلوکی افرادندن
کیلان قضاسنه تابع رقه سفر قر به لی حسن اوغلی
خیرالدین اون باشینک کیفیت قتلندن طولایی
جنایتله اتهام اولسان رفقای عسکر به سندن
قولاشنلی عثمان اوغلی زینل علیهنده اقامه
ایدیلان دعوانک رؤیتی ایچون بیک اوچیز اوچ
سنه سی جاذبی الاخره سنک اون ایکنجی کونه
مصادف اولان بیک اوچیز ایکی سنه سی مارتک
التنجی پنجشنبه کونده علناً اجرا قلنان محاکمه نک
ضبط ورقه سیدر

ذکر اولسان کونده طاشلیجه سنجی جنایت
محکمه سنی تشکیل ایدن رئیس محمد رحی افندی
ایله اعضادن حاجی عبدی وطانه و دیقو اغارله
اعضا ملازمدن طاهر بک محکمه جزایه مخصوص
اوطه ده مدعی عمومی معاونی عارف افندی
وضبط کاتبی علی افندی و مقتول مرقوم ورثه لری
مدعی شخصیلر طرفندن باجحت شرعیه وکیل
تعینله مراجعت ایدن حسن اوغلی ایوب حاضر
اولدق لری حالده قوصوه ولایت محکمه استینافییه سی
زنده بولسان هیئت اتهامیه دن تنظیم واعطا

اولسان فی ۷ ربیع الاخر سنه ۳۰۳ وفی ۱
کانون ثانی سنه ۱۳۰۱ تاریخی وایکیوز الی
نومرولی مضبطه اوزرینه مرقوم زینله عزو
اولنان قتل دعواسنی رؤیت و حکمه مبادرت ضمنده
تجمع ایتدیلر

مرقوم زینل توقیفخانه دن کتوردیلرک وکیل
داود بک حاضر اولدیغی طالده مقید اولیوب
قطر فرارینی منع ایچون یاننده ضبطیه لر بولندیره رق
حضور محکمه یه جلب اولندی رئیس محکمه
محاکمه یه مبادرت اولنسنی تنبیه ایدرک سامعین
محکمه یه ادخالیه بروجه آتی محاکمه مبادرت
اولندی رئیس محکمه متهم مرقوم زینک اسم و شهرت
وسن و محل ولادت و صنعت و موقع اقامتیه یازی
یلوب بیلدیکنی سؤال ایتدی متهمک اسمی زینل
باباسنک عثمان شهرتی حاجی بولیک سنی یکریمی
اوچ صنعتی بلوک مذکورده عسکرلک ولادت
قولاشین کبیر قضاسنه تابع تره بالوه قریه سی اقامتی
طاشلیجه ده ارامساز اولان طاوور مذکور اولدیغی
ویازو بیلدیکنی سو یلدی

رئیس محکمه اصول محاکمات جزایه قانون موقنک
ایکیوز التمش دردنجی ماده سی مندرجاتنی متهم
مرقوم وکیل داود بکه و اوقونه جق اوراقه
دقت ایتسنی متهم مرقومه و هیئت اتهامیه مضبطه
سنله مدعی عمومی اتهمنامه سنی قرائت ایتسنی
ضبط کاتبنه سو یلدی ضبط کاتبی دخی مضبطه
واتهمنامه مذکور لری جهراً او قودی
رئیس محکمه مذکور مضبطه واتهمنامه

مندرجاتنی متهم مرقومه خلاصه ایدوب طقسان
طقوز سنه سی مایس آینه معیت قوماندانیه
قولاشنده بولندیغکز اثناده رفقای عسکر به کزدن
خیرالدین اون باشینی تفنک قورشونیه قتله
جرات ایدرک وادی فرارده پویان ایکن در دست
اولندیغکز دن بحثله سنی جنایتله اتهام ایتشلر
بوینده دلائل و سائر امارات ایله اثبات ایده بورلر
سنک علیهنده در میان اولنه جق شیلری شهیدی
دکلیه جکسک دیدی

مدعی عمومی معاونی عارف افندی متهم زینل
کندینه عزو اولنان فعل قتل تهمتی انکار ایده بور
ایسه ده تهمت واقعه یی قتل قصدیه ارتکاب ایتدی
یکدیگرینی مؤید دلائل و سائر امارات و اخبارات
ایله مثبت اولدیغنی بیان ایدرک اتهامه سببیت و یرن
کیفیتی نقل و تشریح ایتدکن صکره لدی الاستجواب
متهم زینل طقسان طقوز سنه سی مایس آینه
وودنو موقعه ده رفقای عسکر به سندن مرقوم
خیرالدین اون باشی ایله اون بش یکریمی قدر عسکر
ملازم عثمان اغانک قومانداسنده بولنوب دوره
چیقهرق برمدت کزدکن صکره براز استراحت
ایتمک اوزره بر اورمان کنسارنده برر ایکیشر
اوله رق اغاجلر کولکه لرنده یاتمقده اولدق لری حالده
مرقوم زینل والده سسیله برادرینک حسرت
اشتیاقندن ناشی مسلحاً فرار ایتدیکنی بالبیان
مضبوط افاده سی دائره سنده انکار نهمت ایتدی
انک اوزرینه مدعی عمومی معاونی شاهدلرک
پوصله سنی اعطا ایتکله ضبط کاتبی طرفندن جهراً

قرائت اولندی اوراق دعوانک محکمه یه اعطاسندن
ومتهم مرقومک علی الاصول استجوابنک اجرا سندن
صکره چیقار یلان جلبنامه لر یله محاکمه کونی
محکمه ده اثبات وجود ایدن و شهود پوصله سنده
اسامیسی محرر بولنان شاهدلرک محاکمه یه شروعدن
مقدم جانب ریاستدن کندولرینه تعیین واران
اولنان محلدن منفرداً حضور محکمه یه جلب ایله
علی الاصول استماعلرینه مباشرت اولندی

شهود مرقومه دن شاهد صالحو جلیله استجواب
واستماع اولندوقده اسمی صالحو باباسنک عبدی
شهرتی امامویک باشی اوتوز صنعتی ضبطیه لک
اقامتی طاشلیجه اولوب طرفینه برکونا قرابت
و مناسبتی اولدیغنی بعد التحلیف افاده ایله استجواب نامه
مندرجاتنی تکرار ولدی الاستیضاح جرمنک
وقوعی طقسان طقوز سنه سی مایس اینک اون
برنجی چهارشنبه کونی وودنو موقعه ده اورمان
کنارنده اولدیغنی و مرقوم زینل طرفندن انداخت
اولنان تفنک قورشونی مقتول خیرالدین اون باشینک
صاغ طرف قولتوغنی التندن اصابتله صول طرفی
بالدیرندن چیشمش و جریحه سی اغرجه اولدیغندن
صوو و یرک دیهرک متأثراً درحال تسلیم روح
ایتدیکنی علاوه تذکار ایلدی

شهود مرقومه دن دیکری جلیله استجواب
واستماع اولندوقده اسمی نورالدین باباسنک عادل
باشی یکریمی ایکی شهرتی سیار بک طاوور مذکورک
اوچنجی بلوک کنده چاوش و اقامتی طاشلیجه اولوب
طرفینه برکونا قرابت و مناسبتی اولدیغنی بعد التحلیف

افاده ايله استجوابنامه سی مندرجاتنی تکرار ولدی
الاستیضاح جرمک وقوعی طقسان طقوز سنه سی
شهر مایسک اون برنجی چهارشنبه کونی وودنو
موقعنده اورمان کنارنده اغاجر کولکه لرنده
بر ایکیشر یاتمش اولدقلری حالده مرقوم زینلک
عداوت وخصومتی سائقه سندناشی انداخت ایتدیکی
تفنک قورشونیه مرقوم خیرالدین اونباشی بی
صاغ قولتوغی التندن تصمیماً جرح ايله قورشون
مذکورصول طرف بالدرندن چیقمش وجریمه سی
اغرجه اولدیغندن متأثراً درحال وفات ایتدیکنی
کوز یله کورمش اولدیغنی تذکار ایلدی

شهود مرقومه دن دیکری جلیله استجواب واستماع
اولدقدده اسمی نوح باباسنک امین باشی یکریمی اوج
اون یدنجی الاینک ایکنجی طابورینک دردنجی
بلوکی افرادندن واقمتی طاشلیجه اولوب طرفینه
برکونا قرابت و مناسبتی اولدیغنی بعدالتخلیف
اناده ايله استجوابنامه سی مندرجاتنی تکرار ولدی
الاستیضاح جرمک وقوعی طقسان طقوز سنه سی
شهر مایسک اون برنجی کونی وودنه موقعنده
بر اورمان کنارنده براز استراحت ایتمک اوزره
بر ایکیشر اغاجر کولکه لرنده یاتمش اولدقلری
حالده مرقوم زینلک عداوت و برودتندن ناشی
حامل اولدیغنی تفنکی تصمیماً مرقوم خیرالدین
اونباشی به انداخت ایدرک چیقان قورشونی
خیرالدین اونباشینک صاغ قولتوغی التندن اصابتله
صول بالدرندن چیقمش وجریمه سی اغرجه
اولدیغندن متأثراً درحال وفات ایتدیکنی تذکار

ایتدکن صکره رئیس محکمه قانون مذکورک ایکیوز
یتمشنجی ماده سنک مندرجاتنی ایفا ایتدی

اشبو شاهدلرک ذات وشهادتلی علیه نده دیه جکی
اولوب اولدیغنی متهم مرقوم زینلک سؤال
اولدقدده شاهدون مرقومون کتم حقیقت ایتدکلرندن
افاده لرینی قبول ایده میه جکنی بیان و بشقه
کونادیه جکی اولدیغنی افاده ایتدی اوزرینه تحقیقات
بوندن عبارت ایدوکی بیان اولدقدده معاون مومی
ایله عارف افندی متهم زینلک عداوت و برودتی
اولدیغنی جهته تفنک قورشونیه مرقوم خیر
الدین اون باشی بی جرح و قتل ایتدی تصمیماً وقوع
بولدیغنی مدلل بولتمسینه وعقیب جرحده فراره تصدی
ایتدیکنی افاده ایتدی و کندوسنک فرارینه اسباب
معقول و مقبوله بیان ایده مامسی وشاهدلرک مع القسم
وجاهاً واقع اولان اخبارلرله ثابت اولدیغندن مجرم
اولدیغنه قرار ویرلمسنی ادعا و مدافعه وکیل داود
بک موکلی ايله متوفی اره سنده عداوت و برودت
اولدیغندن ناشی تصمیماً مرقوم خیرالدین اون باشی بی
جرح و قتل ایلدیکنه دائر شاهدلرک شهادت
واقعه لری وجدانی تأمین ایدر درجه ده اولدیغندن
شونقطه محکمه نک نظر دقت و مرجته حواله
ایله جرم واقعت جزا قانوننامه هما یونک بوز یتمش
دردنجی ماده سنک فقره اولیس حکمنه تطبیق ایللمسنی
استرحام ایتلر یله و طرفینک بشقه بریده جکلی
اولدیغنی لدی السؤال اکلشغله محاکمه نک ختام

بولدیغنی جانب ریاستدن بیان اولنه رق مذاکره
اوطه سنه کلندی

طرفینک ادعا و مدافعه سنک استماعندن و بالجمله
اوراق تحقیقیه نک تدقیق و مطالعه سنندن صکره
ایجاب کیفیت لدی التذکر متهم مرقوم زینل انکار
تهمت ایده یور ایسه ده کندوسی بک سرکش هیچ
کیسه بی طایبق ایستزدی خیرالدین اون باشی
ایسه مرقومی سرکشلق یامغه براقز اولدیغندن
بو یوزدن خیرالدین اون باشی به نظر نفرته باقده
وودنو موقعنده مرقوم خیرالدین اون باشیله
یاتمش اولدقلری حالده حامل اولدیغنی تفنکی
انداخت ایدوب چیقان قورشونله مرقوم خیرالدین
اون باشی بی صاغ قولتوغی التندن تصمیماً جرح
و قتل ایتدیکنی وعقیب جرحده مرقوم زینل
مسلاً فرار ایتدیکنی و تفنک اترق کندوسنی
اورمانده کوزدن غائب ایتمش اولدیغنی شاهدلرک
مع القسم وجاهاً واقع اولان اخبارلرینه انضمام
ایدن دلایل و امارات قانوناً یکدیگرینی تأیید ایتکده
وحکم ایچون مع زیاده کافی کورلمکده اولسنه
بناء مرقوم زینلک تاویل وانکاری واهی و وکیل
داود بکک مدافعاتی غیر وارد اولوب موکلنک
مرقوم خیرالدین اون باشی بی تصمیماً جرح و قتل
ایتدیکی تحقق ایتکله مجرم اولدیغنه قرار ویریلرک
اولبابده تنظیم اولسان قرارنامه علناً قرائت
اولدقدده معاون مومی ایله مجرمیتنه قرار ویریلان
مرقوم زینلک فعل قتل مذکور تصمیماً اجرا

ایتدیکی اخبارات و امارات و دلایل ايله ثابت اولدیغندن
حرکتی قانون جزانک بوز یتمشنجی ماده سی حکمنه
جزاسنک تعیین ایللمسنی و مقبول مرقومک ورثه سی
بولسان برنفر اوغلیله زوجه سی و والده سی یله
پدری طرفندن باججت شرعیه وکیل تعیین ایدیلان
مرقوم ابوبدخی قاتل مرقومدن قصاص ادعا سنده
بولدیغنی و وکیل داود بک دخی تخفیف جزاسنی
طلب و درمیان ایتلر یله مذاکره اوطه سنه عودت
اولندی

جهت جزایشه سی دخی لدی التذکر مرقوم زینلک
رقه ای عسکر به سنندن مرقوم خیرالدین اون باشی به
عداوت و برودتی اولدیغندن مرقوم خیرالدین
اون باشی بی تصمیماً جرح و قتل ایلدیکی شهود
مرقومه نک اخباراته انضمام ایدن دلایل و امارات
ایله ثابت اولغله حرکتی مدعی عمومینک ادعای
وجهله جزا قانوننامه هما یونک بوز یتمشنجی
ماده سی حکمنه موافق اولدیغنه و ماده مذکورده
برکیسه نک تعهداً قاتلی اولدیغنی قانوناً تحقق ایلر
ایسه قانوناً اعدامنه حکم اولنوردیو محرر بولدیغنه
بناءً ماده مذکوره حکمنه توفیقاً مرقوم زینلک
اعدامنه و مدعی شخصیلرک وکیل ابوبک قاتل
مرقومدن ادعا ایتکده اولدیغنی قصاص ایچون
شرع شریفه مراجعت لزومنه وضبط واعلام
واستنطاق خرجلری اولان درتیوز اون غروشک
محکوم علیه مرقوم زینلک اموال منقوله و غیر
منقوله سنندن بالتحصیل مال صندوقه تسلیم

اقتدرلسنه بيك اوچيوز اوج سنه سي جاذي
الخره سنك اون ايكنجى كونه مصادف اولان
بيك اوچيوز ايكي سنه سي مارتك التجي پنجه شنه
كوني متفقاً حكم وقرار و يريله رك قانون موقتك
ارائه و تعريف ايلديكي وجهله تهمي اجرا
واصول محاكمه اولان معاملات ايفاقلندي
في ۱۲ جاذي الاخره سنه ۳۰۳ وفي ۶ مارت سنه ۳۰۲

(محكمه تمير هيتت عموميه سي)


تعطيل عضو قضيه سي برعضوك حاصل ايده جيكي
منفعتدن سقوطيله واقع اوله جغي دركار بولمسنه
نظراً طبيب راپورتونده جرح اولمش برطرفك
معطلتي مجروحك اجراي صنعتنه مانع اوله جغي
كوسترلسي فلك تعطيل عضودن معدود اولديغنه
دليل اتخاذ اولتقى لازم كلور

محكمه جناتيك في ۷ رمضان سنه ۳۰۱ وفي
۱۸ حزيان سنه ۳۰۰ تاريخي والي نومرولي
اعلاميله اوراق متفرعه سي باش مدعي عموميلك
مأوريت عليه سندن في ۲۸ سوال سنه
۳۰۱ وفي ۸ اغستوس سنه ۳۰۰ تاريخي
ويك ايكيوز طقسان درت نومرولي تبليغنامه
ايلاه محكمه تمير جزا دائره سنه اعطا قلمقله لذي

المطالع مذكور اعلام مألده بونان دولتي تبعه سندن
اوتوز التي ياشنده بر برور كينك طقسان طقوز
سنه سي اغستوسنك بازار ايرتسي كوني اثناي
منزعه ده قوندوره جي پاسقال ولد ميخالك صاخ
النك باش پارمغني بچاقله جرح ايتديكي عندالمحاكه
اخبارات واقعه ودلائل وامارات موجوده ايله
تين ايدوب مرقوم پاسقالك جرحه سي درتيوز
غروش مصارف جراحيه ايله التيام بولمش ايسه ده
جرح مذكور تأثيرندن مذكور پارمغك حرركات
طبيعيه سنك فصفي ضايع اولمش ايدوكي واشبو
معطلتي عضو بوندن بويله دخي باقي قاهره
قونديره جيلق صنعتني اجرايه مانع اوله جغي
مجروح مرقومك معايته سني حاوي اولان طبيب
راپورتنده كوسترلس اولديغندن مرقوم بر بر
بور كينك اولوجهله مجرميته اتفاقله وقانون
جزائك يوز يتمش يدنجي ماده سنه توفيقاً وابتدای
توقيني اولان اوچيوز سنه سي ذي القعه سنك
يكرمي درنجي كونندن اعتباراً اوج سنه مدته
كوركه قونلسنه و اعلام خرجي اولان اوچيوز
غروشله استنطاق و ضبط خرچلري بولنان يوز
قرق غروشكه جعاً درتيوز قرق غروشك عدليه
وزنه سنه و مصارف جراحيه اولان درتيوز الي
غروشك دخي مدعي شخصي مرقومه تسليم اولتقى
اوزره كندوسندن تحصيل اولمسنه اكثر يتله
قرار و يريله رك اصول تهميلك اجرا اولنديغي
اشعار اولمش و تبليغنامه مالى دخي دعواي
مذكوره نك جريان ايدن محاكمه سيله قانونه جهت

تطبيق حقنده اعتراضه محل كوريله ميكني حاوي
بولمش اولغله سائر اوراق دعوي دخي قراشله
تدقيقات تميريه اجرامنه ابتدار اولندقده خصوص
مذكورك جريان ايدن محاكمه سي اصول محاكيات
جزائيه قانون موقتي احكامنه موافق كورنديكندن
بوجهتي بالاتفاق تصديق اولنوب انجق حكم
جهنده دائره جه تساوي اراظهور ايتمش اولسنه
يعني آرائك بر قسمي اللرك هيتت مجموعهلر يني
اعضاي بندن برر عضو مستقل اولدقلى دركار
ايسه ده پارمغك مذكور عضورك اجراسندن
بولندقلى حسييله بونره على الانفراد عضو اطلاق
جاز اوله ميه جغندن مذكور پارمغك معطلتته
تعطيل عضو دنيله رك ماده مذكوره يه تطبيقاً
تعين جزا ايدلمسنده اصابت اولماغله بوندن طولايي
مذكور اعلامك نقصنه و ديكر قسمي دخي الدهكي
پارمغك برر صورتله خدمت و معاونت مخصوصه لري
اولسنه مبنى هر قنغيسنك اولور ايسه اولسون
مقطوعيت و يامعطلتي ازچوق افعال انسانيه بي
سكته دار ايده جيكي آشكار و باش پارمغك حركت
طبيعيه سنجه اهميت جله سندن زياده بولنديغي
وارسته تذكارة اوله رق مذكور پارمغك اولصورتله
معطلتي مجروح مرقومك قونديره جيلق صنعتني
اجرايه مانع اوله جغه دائر مذكور طبيب راپورتي
مندرجاتي دخي بومطالعده بي مؤيد بولنديغنه بناءً
جرح مرقومك شوفعل و حركتي تعطيل عضودن
معدود اولمسندن ناشي حكم مذكور مصيب
اولديغندن بوجهتنك دخي تصديقنه دائر بولمسنه

مبنى كيفيتك حسب القانون هيتت عموميه ده
مذاكره سي لزومنه في ۲ جاذي الاول سنه
۳۰۱ تاريخنده قرار و يريله رك قيد و ضبط اولمش
اولسيله بوجهت انعقاد ايدن هيتت عموميه ده
لذي المذاكره تعطيل عضو قضيه سي برعضوك
حاصل ايده جيكي منعتدن سقوطيله واقع اوله جغي
دركار بولمسنه و ذكر اولنان طبيب راپورتنده
مذكور پارمغك معطلتي مجروح مرقومك اجراي
صنعتنه مانع اوله جغي كوسترلسنه نظراً فعل
مذكور تعطيل عضودن معدود اولديغندن
و بناءً عليه مرقوم يوركي حقنده سالف الذكر
يوز يتمش يدنجي ماده قانونيه يه توفيقاً تعين جزا
ايدلسي مصيب و موافق قانون بولنديغندن اعلام
مذكورك بوجهتنك دخي تصديقنه و خرج
تعارفه سنك قرقنجي ماده سي موجبجه تمير اعلامي
خرجي اولان التيوز غروشك اخذ واستيفاسنه
اوچيوز ايكي سنه سي مارتك التجي كوني
اكتر يتله قرار و يرلدی



(محكمه تمير جزا دائره سي)

بين الناس تعاطي اولنان ابراء و مقبوض سندنك
يكرمي پارداك رسم مقطوعه تابع اولدقلى يه دائر
محكمه تمير جزا دائره سندن في ۱۳ رمضان

سنه ۳۰۳ و فی ۱۵ مایس سنه ۳۰۲ تاریخیه
صدرور ایدن اعلام درکار اولان اهمیتنه مبنی
بروجه ز برعیناً درج قلنور

(صورت اعلام)

قره حصار صاحبده مقیم حال زاده عثمان افندی
جزای نقدی تحصیلنه دائر قره حصار صاحب
تجارت محکمه سندن و یریلان فی ۲۴ جاذی
الاول سنه ۳۰۲ تاریخلی مذکرهنگ بومثالو
جزای نقدی استحصالنه دائر صادر اولان قرارلر
علیهنده وقوعه بولجق اعتراضاتک مرجعی فصل
ورؤیتنی مبین اولان نظامنامه مخصوصک ایکنجی
ماده سنه استناداً تمیزاً تدقیق مومی الیه عثمان
افندی جانبندن اعطا و خداوندکار استیناف مدعی
عمومیلکنندن باختریرات ارسال قلنوب باش
مدعی عمومی مأموریت بهیه سندن برقطعه مطالعه
نامه ایله محکمه تمیز حقوق دائره سنه تبلیغ قلنان
عرضحال و متفرعاتده استمداعا قلمش اولدیغندن
نظامنامه مذکورک سکزنجی ماده سی حکمته توفیقاً
اوراق مذکوره بالمطالعه تدقیقات تمیزیه اجراسنه
ابتدار اولندی

مذکور مذکرهنگ نتیجه مفادی قره حصار صاحب
تجارت محکمه سنده محفوظ بولنان برقطعه
استرداد ایچون مومی الیه عثمان افندی طرفندن
ابراز اولنان علم و خبر اون اوچبیک غروشی حاوی
اولان مذکور سنده دائر ورسم نسبی به تابع

اولسنه کور مذکور علم و خبره مبلغ مذکور معادل
پول یاشدیرلمسی اقتضا ایدر ایکن یکریمی پاره لک
پول یاشدیرلمش اولدیغندن بختله رسم تمغنا
نظامنامه سنک اوتوزنجی ماده سی موجبجه
اوچوز التمش غروشک جزای نقدی اوله رق
مومی الیه عثمان افندی تحصیلنه قرار و یرلدیکندن
عبارت بولتمشدر

تمیز استمداع سنده بولنان مومی الیه عثمان افندی
خلاصه اعتراضی بین الناس تعاطی اولنان بوکبی
ابرا و مقبوض علم و خبرلرینه یکریمی پاره لک پول
وضعی رسم تمغنا نظامنامه سنده مصرح ایکن
کندوسندن جزای نقدی تحصیلنه قرار و یرلمسی
مغایر نظام ایدوکی بیانیه قرار مذکورک نقضی
استمداع سندن عبارتدر

مأمورین مشار الیه ایدر تبلیغ اولنان مطالعه نامه ده
دخی رسم تمغنا قانونک رسم و مقطوعه تعرفه سنده
بین الناس تعاطی اولنان ابرا و مقبوض سندلرینک
یکریمی پاره لک رسم مقطوعه تابع اوله جغی مصرح
بولدیغنه و سند مذکورک مقبوض سندی اولدیغی
قرار معترض فیهده مصرح اولوب شو حالده یکریمی
پاره لک پول یاشدیرلمسی قانوناً جائز اولدیغنه مبنی
اعتراضات واقعه نك موافق قانون اولدیغی محرر
بولتمشدر

(فقره حکمییه)

ایجابی لری المذاکره تمیز اولنان مذکرهنگ نتیجه
مفادی مبرز علم و خبرلرینه یکریمی پاره لک پول

(محکمه تمیز جزا دائره سی)

بجرمین قرارنده مخالف رأیده بولنمی سببیه
اعضادن برینک تعیین درجه مجازات مذاکره سنده
اعطای رأیدن استسکاف ایتمی و اصول محاکمات
جزائیة قانونک اوچوز یتمش برنجی ماده سنده
محرر اولان معاملات اجرا قلمتسزین معامله
غیاییه ایفاسی نقض حکمی موجب اولور

(خلاصه اعلام)

ایدین ولایتی استیناف محکمه سی جزا دائره سندن
فی ۱۷ ذی القعدة سنه ۳۰۱ و فی ۲۷ اغستوس
سنه ۳۰۰ تاریخلی و یکریمی سکز نومرولی
اعلامی و اوراق متفرعه سی باش مدعی عمومیلک
مأموریت علیه سندن فی ۱۹ جاذی الاول
سنه ۲۰۳ و فی ۱۱ شباط سنه ۳۰۱ تاریخلی
و بشیوز الی برنومرولی تبلیغنامه ایله محکمه
تمیز جزا دائره سنه اعطا قلمغله و مذکور اعلامک
مالی یکیشهر فنار مهاجرلرندن محمدک اوچوز
سنه سی صفرینک یدنجی کیجه سی مسلماً اقبجه سی
غصب ائلرندن طولایی مستنطق قرارنامه سی
وجهله هیئت اتهامیه جه جنایتله اتهام اولنان ایکی
شخصدن فراری قاردیجه لی عمرک ایلروده بشقه جه
محاکمه سی اجرا قلمق اوزره الده ارلان اسکبی
ازمید ساکنلرندن انازلی اوتوز یاشنده مهتدی
محمد بن عبداللهک اجرا قلنان محاکمه علیه سنده
سمرقت مذکوره به معامله جبر و شدتله اجتماساری

بالتأويل وقوعبولان اقراری و امارات ايله ثابت اولديغندن مجرميته وقانون جزانك ايكچوز يكرمی برنجی ماده سنه توفيقاً وابتدای توفیقی اولان اوچيوز سنه سی صفر ينك يدنجی كونندن اعتباراً بعدالتشهير اوچ سنه مدته كوركه قونلنسنه و مصارف محاكمه اولان اوچيوز اوتوز غروشك تحصيلنه اكثر يتله حكم ايديلهرك تفهيم اولنديغنی حاوی اولوب تبليغنامه ده دخی اصول محاکات جزایه قانونك ايكچوز سكرنجی ماده سی موجب هیت اتهامیه اوراقی برلكده تبليغ اولنش اولان جرائم مشتركه حقتده معاملات اتهامیه به متعلق قرار ينی بر مضبطه به درج ايلديكي يعنی الده وفرارده بولنان مظنون عليه برلكده اتهام اولنهرق اوراق اتهامیه بوصوله محكمه جنایته كوندردلديكي حالده جنایاتی رؤيته مأمور اولان محاكم طرفندن حاضر اولان متهملر ایچون تعیین وكالت وادعای مفسوخیت حقتده معین اولان اخطارات قانونیه بر طرفدن اجرا ودیكر طرفدن دخی جنایاتده حكم غیابی بیاننده اولان فصل مخصوص احكامنه توفیقاً امهال مدته دائر قرار نامه لرك تنظيميله معاملات غیایه ایفا اولنوبده كرك و جاهاً و كرك غیاباً اصول محاكمه جه استحضاری لازم كلان معاملات ابتدایه نك هر ایکی جهتی دخی یكدیكر ینی تعویق ایتمه جك صورته حاضر لنش ایسه شو حالده محاکات وجاهیه و غیایه نك بردن اجراسیله قسمین مذکورین اوزرینه لاحق لاحق اوله جق احكام قانونیه نك بر اعلامه ربطی توحید محاكمه قاعده سندن

مطلوب ومنتظر اولان محسناتی جامع اوله جغنی دركار بولنش وشاید اصول محاکات جزائیه قانونك اوچيوز یتش برنجی و اوچيوز یتش ايكنجی ماده لری احكامنه توفیقاً معاملات غیایه هنوز اجرا اولنهماش ویا خود اوچيوز یتش برنجی ماده اقتضاسیجه محاكمه غیایه به شروع اولنسی محاكمه وجاهیه بی تعویق ایده جك احوال واسبابدن برينك حیلولتيله برخیلی زمانه متوقف بولنش ایسه حقوق عمومیه نك استحضار اولنان محاكمه وجاهیه جهتی قسم دیکرینه تعلیقاً كرو قالماق اوزره بر متهمك غیبو بی حاضر بولنان متهم مشتركرك تأخر محاكمه سنه سبب مستقل اوله یه جغنه دائر اولان اوچيوز سكرسنانجی ماده نك وردیكي جواز قانونیدن استفاده ايله محاكمه وجاهیه نك بالاجرا بومقوله احوال فوق العاده معامله غیایه جهتنده تقریق محاكمه سی ضروری كورنش اولديغنه ودعوای همیر فیهایه كنججه اوراق مذكوره میاننده بولنان مضبطه اتهامیه مندرجاتنه نظراً حاضر وغائب بولنان متهملك هر ايكیسی بردن اتهام اولنهرق بر مضبطه ايله محكمه مذكوره به كوندولمش ایسه ده سالف الذكر اوچيوز سكرسنانجی ماده موجبجه متهم غائبك ایلروده بشقه جهه محاكمه سی اجرا اولنق اوزره متهم موقوفك محاكمه سنه باشلنديغنی اعلام مذکور ايله ضبطنامه مندرجاتندن اكلاشیلوب كرچه محاكمه غیایه جهتنك تعویقنی استلزام ایدن اسباب موجب كوسترلامش

ایسه ده بوايشده معاملات ابتدایه غیایه نك اجرا اولنهماشی دخی حاضر بولنان دیکر متهم مشترك تأخر محاكمه سنه سبب مستقل اوله یه جغنی حكم قانون ایجابندن بولنديغنه مبنی اسباب مشروحه قانونیه به نظراً بومقوله جرائم مشتركه محاكمه وجاهیه و غیایه نك توحید وانقسامنی مستلزم اوله جق احوال معروضه نك تقریق وتمیزی محكمه تمیزك ارای صائبه سنه متوقف مواددن بولنديغنی اشعار اولنغله محكمه تمیز جزا دائره سی فی ۸ رجب سنه ۳۰۳ وفی ۳۱ مارت سنه ۳۰۲ تاریخ و ۹۱ نومرولی قرار یله اسباب آتیه به مبنی اعلام مذكوری نقض ایتشد

(فقره حكیمیه)

اوراق سائره دخی قرائتله تدقیقات تمیزیه اجرا اولندی اشای محاكمه ده تنظیم اولنان محاكمه ضبطنامه سنه نظراً متهملردن محمد حقتده وجاهاً لاحق اولان حكیمك مجرمیت قرارنده محكمه مذكوره ریاستنه وكالت ایدن عبد القادر افندی مخالف بولنديغنی شرح ایتدیكي حالده جهت حكیمیه ده دخی رأیم بوقدر دیو شرح وامضا ایلدیكي مستبان اولوب حالبوكه اكثریت قانونیه ايله حاصل اولمش اولان مجرمیت قرارندن صكره كه محاكمه ده یته هیئت محكمه نك صفت حاكمه ايله بولنسی قانوناً لابد اولسنه نظراً اندن صكره تعیین مجازات قرارنده دخی هیئت محكمه نك اعطای

رأیه صلاحیتی دركار اولمسيله بناء علیه مجرمیت قرارنده مخالف رأیده بولنسی سببیه تعیین درجه مجازات مذاكره سنه اعطای رأیدن استنكاف اولنسی موافق قانون كور یله مدیكنه و متهم غائب حقتده تبليغنامه ده محرر اعتراضه كنججه بوابده ده محكمه مذكوره نك متهم غائب حقتده قانون مذكورك اوچيوز یتش برنجی ماده سنه محرر اولان معاملاتنی اجرا ایتماش اولديغنی اكلاشیلوب بوايسه نواقص اساسیه دن معدود بولنديغنه مبنی قانون مذكورك اوچيوز اون دردنجی ماده سنه توفیقاً مذكور اعلامك نقضنه ونواقص مذكوره نك اكالی حالنده نتیجه کیفیت دیکر اعلامه ربط اولنق اوزره اوراق مرقومه نك محله اعاده سنه وخرج تعرفه سنك قرقچی ماده سی موجبجه نقض اعلامی خرجی اولان ايكچوز غروشك اخذینه قرار ویرلدی

اعلان

اناطولی قواغنده ساكن ايكن بوندن اقدم وفات ایدن حاجی محمد افانك حصراً وارثی خالد افانك بكقوز بدایت محكمه سی ۲۱/۸۱ نومرولی اعلام

ثمن مذکور اوزرینه یوزده بش ضمیمه طالب
اولنرك بك اوغلی بدایت محكمه سی اجرا مأموریتنه
مراجعت ایللری اعلان اولنور
وفي ۲۴ مایس سنه ۳۰۲

→→→→→

یوان ولد نیقوله نك درسمعات بدایت محكمه سی
ایکنجی حقوق دائره سندن و بریلان و حکمی
تمیراً تصدیق ایدیلان اعلامات موجبجه قبضمال
قره یوانه محكوم به دینی اولان مبالغك تأمین
استیفاسی ایچون مدیون عهده سنده اولان وداین
طرفندن تحت حجزه الدیر یلان اخنی چلبی محله سنده
لیون اسکله سنده چاردف اوکی نام محمله لیونچیلر
جاده سنده راقع برنومرو ایله مرقم بر باب دکانده
مستقر مناو کدکنندن بوز یکریمی سهم اعتبار یله
قرق سهم کدك حصه سنك تاریخ اعلاندن اعتباراً
اون بش کون صکره بالزایده فروخته تشبث
اوله جغنی درسمعات مرکز اجرا دائره سندن
اعلان اولنور

وفي ۲۴ مایس سنه ۳۰۲

~~~~~

غازینو جی نیقوله نك  $\frac{۲۰۲}{۱۱}$  نومرولی اعلام موجبجه

موجبجه قریه مذکوره ده ساکن بقال ایوب  
اغا ذمتنده الاجعی اولان مبالغ معلومه نك تأمین  
استیفاسیچون باجحت شرعی مرهون اولوب فروختی  
بوکره بکقوز قضاسی اجرا مأموریتندن تحت قراره  
النان قریه مذکوره واقع مجارجاده سنده قرق اوج  
نومرو ایله مرقم بر طرفدن فاطمه ملا بنت عبده  
منزلی و بر طرفدن الماس قادین بنت عبده اه منزلی  
و بر طرفدن قریه مذکوره قبرستانی و طرف رابعی  
طریق عام ایله محدود فوقانی ایکی باب اوطه و بر صفه  
و بر ابدستخانه و بر ماشا و بر مطبخ و بر مساوا اشجار  
ثمره و غیر مثرملی بر مقدار بیغجه بی مشتمل بر باب  
ملك منزل تاریخ اعلاندن اعتباراً اون بش کون  
صکره بالزایده فروخت اولنه جغنی اعلان اولنور  
في ۲۴ مایس سنه ۳۰۲

~~~~~

متوفی دیمترکی یکی دونیا قالفه نك $\frac{۲۰۲}{۱۵۲}$ نومرولی
اعلام موجبجه واسیل و قسطی و استغانه دینی
اولان مبالغ معلومه نك تسویه سی ضمنده هکبه لی
اطهده قالفه زقاغنده ۱ و ۳ نومرولی زمین
شهزاده سلطمان محمد خان حضرتلری و ققنه
متاطعه لی ایکی قطعه حجت شرعیه موجبجه
متصرف اولدیغی بر باب ملك خانه سی عند المزایده
لیرا بوز غروش حسابیله التمش التی بیک غروش
ثمن ایله مشتریبی عهده سنده تقرر ایلدیکنندن
تاریخ اعلاندن اعتباراً اوتوز بر کون ظرئنده

باقی خانه تختنده ۳۳ نومرولی غاز بنوده ساعت
برادرنده بالزایده فروخته مبادرت اولنه جغنی
بك اوغلی بدایت محكمه سی اجرا مأموریتی جانبدن
اعلان اولنور في ۲۴ مایس سنه ۳۰۳

→→→→→

بدلی حاجی ابراهیم اغانك درسمعات بدایت
محكمه سی ایکنجی حقوق دائره سندن و بریلان
ایکی قطعه اعلام موجبجه باب والای سرعسکری
سواری دائره سی کتبه سندن احد مختار افندی به
محكوم به دینی بولسان مبالغ معلومه نك تأمین
استیفاسیچون داینك استیفاسی اوزرینه تحت
حجزه الدیر یلان و مدیون طرفندن فروخته موافقت
ایدیلان اسکدارده کفجه دده محله سنده طوپ
طاشی جاده سنده واقع تخمیناً و تریبماً درتیوز
التمش بش بچق ارشون جدید و سکر بوز اون
ارشون عتیق و سعتی حاوی ایکبوز طقسان اوج
نومرولی ملك و کدکی حاوی بر قطعه عرصه تمامك
تاریخ اعلاندن اعتباراً اون بش کون صکره
بالزایده فروخته تشبث اولنه جغنی درسمعات
مرکز اجرا دائره سندن اعلان اولنور
في ۲۵ مایس سنه ۳۰۲

~~~~~

صادق بك همشیره سی فاطمه خانه بدل ایچاردن  
طولایی محكوم به دینك تسویه سنه صورت  
کوسترمدیکنندن مستأجری اولوب تخلیه سی  
بك اوغلی بدایت محكمه سی اجرا مأموریتی معرفتیه  
اجرا ایدیلان غازینو دروننده موجود اولوب  
تحت حجزه التمرق فروختی مقرر اولان مرمرلی  
مصه عدد ۱۲ حصر صندالیه عدد ۳۰ یالدرلی  
کبیر آیلینه عدد ۲ کبیر و صغیر رسمی لوحه عدد  
۲۰ مرمرلی دستکاه عدد ۱ سیاه مشعلی قنابه  
عدد ۶ نارکوله مع طاقم عدد ۷ دیوار لامبه سی  
عدد ۴ مختلف یارم قیه لك اوروپا کاری مسکرات  
شیشه سی عدد ۴۸ نادى احلاور مصه عدد  
۸ قهوه دکرماتی اوطوراق عدد ۱ یکریمی مترو  
سیاه مشعلی قنابه عدد ۲ طاوله عدد ۶ باقر  
مصلق عدد ۱ ساج منقال و طوا عدد ۳  
طپراق پنجره عدد ۱ طپراق قوانوز عدد ۲  
صغیر کوب عدد ۱ تیمور کورک عدد ۱ ساچدن  
قهوه طوایی عدد ۱ تبسی عدد ۱ کهنه شمسه  
عدد ۵ روم فوچیلری صغیر و کبیر عدد ۵ تهی  
یارم قیه لك شیشه عدد ۳ عرق شیشه سی عدد  
۱ عرق قدحی عدد ۳ مستعمل شابقه عدد ۱  
طائلی کاسه سی عدد ۲ رسم لوحه سی عدد ۱  
تخته قوانوز عدد ۲ صغیر شیشه عدد ۲  
بزبوشون عدد ۱ قریق سیغاره اغزلغی عدد  
۱ زار عدد ۳ اوفق تسبیح عدد ۱ مهر عدد ۱  
و برطاق اوراق پریشان بیک اوچیوز سنه سی  
حزیرانك ایکنجی بازار ایرتسی کونی غلطده

ترزی دیمترینک برنجی حقوق دأره سندن ویریلان  
اعلام موجبجه ارکریده ساکن ترزی و بطو  
ذمتده الاجعی اولان مبالغ معلومه نك تأمین  
استیفاسیچون مدیون مرقومك بك اوغلی یکیشهرنده  
یله جق دره سنده واقع یتش طقوز نومرولی  
بر باب قصاب دکانیله اوزرنده کائن ایکی اوطه  
وبرصفه نك نصف حصه لری مزایده به چیقارلمش  
ایسه ده مدیون مرقوم مذکور اوطه لری مسکن  
شرعیسی اولدیغنی ادعا ایتمسینه مبنی تحقیقات  
مکمله اجراسیچون مزاد معامله سی تأخیر ایدلمشیدی  
اجرا اولنان تحقیقات نتیجه سنده مذکور اوطه لری  
مسکن شرعیسی اولدیغنی اکلاشلش اولدیغندن  
ذکر اولنان دکان ایله اوطه لری نصف حصه  
شایعه سنك تاریخ اعلاندن اون بش کون صکره  
بالمزایده فروخته تشبث اولنه جعی درسه عادت  
مرکز اجراء دأره سندن اعلان اولنور

فی ۲۹ مایس سنه ۳۰۲

بیوک یکی خنده اورته قائده اون نومرو ایله مرقم  
بر باب اوطه سنك کشادیه نقدی ظهورنده  
الاجفنه محسو و با کندوسنه اعطاسی و کفایت  
ایتمدیکی تقدیرده اموال منقوله و غیر منقوله سنك  
دخی تحت ججه النهرق فروختی استدعا اولمسنه  
واجرا قانون موقتك یکر می طقوزنجی ماده سی  
احکامنه توفیق معامله اجراسی لزومی بك اوغلی  
بدایت محکمه سی ریاست اولیسی جانبندن تحریراً  
بیان بیورلسنه بناء مذکور اوطه تحت تمهیره  
النهرق محافظه سی بکجی به تودیع ایدلدیکی کی  
چتالجه قضا سنه تابع حادم قریه سنده بولنان  
اراضیسی دخی تحت ججه النمش ایدوکنندن اشبو  
اعلان تاریخندن اعتباراً طقسان برکون ظرفنده  
مرقوم اوخانس اغوب اجرا دأره سنه کلوب  
اثبات وجود ایتمز ایسه مذکور اوطه سی کشاد  
اولنه رق نقودی ظهورنده مرقوم لامبویه اعطا  
وعدم کفایتنده اموال منقوله و غیر منقوله لری دخی  
بالمزایده فروخت ایدیلوب حاصل اولان اثمانندن  
مبلغ محکوم بهك تسویه اولنه جعی بك اوغلی بدایت  
محکمه سی اجرا مأموریتی جانبندن اعلان اولنور  
فی ۳۱ مایس سنه ۳۰۲

بك اوغلی بدایت محکمه سی جزا دأره سندن غیاباً  
تنظیم واعطا قلنان فی ۱۰ شباط سنه ۳۰۱  
تاریخی اعلامده طاشجی لامبونك اوچیوز کسور  
لیراسنی طولاندیروب فرار ایتش اولان اوخانس  
اغوبدن تحصیل محکوم اولوب حکم اعلامك  
اجراسی ضمنده مرقوم اوخانس اغوبك درسه عادتده